

Candidate Name _____

Centre Number	Candidate Number

International General Certificate of Secondary Education
UNIVERSITY OF CAMBRIDGE LOCAL EXAMINATIONS SYNDICATE
in collaboration with
MINISTRY OF BASIC EDUCATION, SPORT AND CULTURE, NAMIBIA
AFRIKAANS AS A SECOND LANGUAGE 0548/1, 0556/1
PAPER 1 Reading and Writing
OCTOBER/NOVEMBER SESSION 2002
1 hour 30 minutes

Candidates answer on the question paper.
No additional materials are required.

TIME 1 hour 30 minutes

INSTRUCTIONS TO CANDIDATES

Write your name, Centre number and candidate number in the spaces at the top of this page.

Answer **all** questions.

Write your answers in the spaces provided on the question paper.

INFORMATION FOR CANDIDATES

The number of marks is given in brackets [] at the end of each question or part question.

INSTRUKSIES AAN KANDIDATE

Skryf jou naam, Sentrumnommer en kandidaatnommer in die spasies bo-aan hierdie bladsy.

Beantwoord **alle** vrae.

Skryf jou antwoorde in die spasies voorsien in die vraestel.

INLIGTING VIR KANDIDATE

Die aantal punte word tussen hakies [] aan die einde van elke vraag of deel van 'n vraag gegee.

FOR EXAMINER'S USE	
Part 1	
Part 2	
Part 3	
TOTAL	

This question paper consists of 15 printed pages and 1 blank page.

Afdeling 1

Oefening 1: Vrae 1–5

Lees die volgende brokkies oor gesondheid deur en beantwoord vrae 1–5.

g e s o n d h e i d

► Die jongste oor mediese sake vir 'n op en wakker jy.

Mentol en hoes

Jou ma had reg – mentol streef 'n krapperige hoes weg. In die eerste volledige studie oor die medisinale uitwerking van mentol ('n algemene bestanddeel in hoespreparate) het Britse navorsers bevind dat dit regstreeks op die longe inwerk. Hier kalmeer dit die geïrriteerde senuwee wat die gehoos afgee. Dit stimuleer terselfdertyd ander senuwees wat hoes teenwerk.

Goeie nuus

Musiek gee energie. Navorsers sê vroue wat met musiek in hul ore oefen, kan 25 minute langer as hul stiller susters oefen voordat hulle moeg raak.

Naelnuus

Die toestand van jou naels sê baie oor jou gesondheid. Kenners meen jou naels gee dikwels die eerste waarskuwingstekens as iets met jou gesondheid skort. Daarom word dokters aangeraai om pasiënte se naels net so dikwels te ondersoek as wat hulle hul bloeddruk meet. As jy siek is, is jou naels dikwels die eerste wat met 'n tekort aan voedingstowwe sukkel en sigbare veranderings toon. Hier is 'n paar algemene naeltoestande en moontlike onderliggende oorsake:

Naeltoestand	Oorsaak
Bros	Tekort aan water of sink
Blouerige skynsel	Swak sirkulasie
Bleek	Bloedarmoede
Wit	Lewerkwaal
Geel/Bruin skynsel	Swaminfeksie
Wit kolle of merke	Beskadig weens stamp
Vertikale growe	Stres, of naelgroei wat vertraag weens ouderdom

Asyn teen pyn

'n Teelepel asyn laat die pyn kwyn – dis nou te sê as jy jousef sover kan kry om te sluk!
Amerikaanse navorsers sê hulle weet nou hoekom die gevreesde Samoeraivegters van Japan vroeër met 'n sluk asyn agter die blad die wêreld stormgeloop het: asyn is die natuur se eie anti-inflammatoriese middel. Toetse het bewys dat asyn uit tientalle vitamieë en minerale bestaan wat kieme weghou.
'n Enkele lepel appel-asyn bevat onder meer betakaroteen, wat die immunitiestelsel 'n inspuiting gee en jou kans op kanker verminder.
Dit bevat ook pektien wat cholesterolvlakke verlaag en hartsiektes verminder.

Aangebore fiesies

Jou kosmaak kan deur jou gene bepaal word, sê Amerikaanse navorsers. Hulle het bevind dat identiese tweeling dieselfde voorkeure het. Gevolglik is die afleiding gemaak dat smaak oorerflik is. Kosse waarvoor mense sterk gevoelens het (jy hou daarvan of jy haat dit) is lemoensap, versoete ontbytpap, broccoli, maaskaas, hoender en hamburgers. Ouers moet egter daarop let dat kosvoorkeure ook beïnvloed word deur sogenaamde verbode kosse. Kos waarvoor kinders lief is, is dikwels verbode smulgoed. Dit is nie dié kos wat hul ouers wil hê hulle moet eet nie, maar lekkernye wat hulle net deur te neul in die hande kry.

Verwerk uit: SARIE, 21 Junie 1995 – SARIE, 10 Mei 1995

- 1 Wat is die bestanddeel in hoesstropie wat hoes teenwerk?
.....[1]

- 2 Gee 'n rede waarom dit beter is om na musiek te luister terwyl jy oefen?
.....[1]

- 3 In watter land het navorsers bevind dat kossmake oorerflik is?
.....[1]

- 4 Hoe sal jou naels lyk as jy aan bloedarmoede ly?
.....[1]

- 5 Watter middel uit die koskas kan jy drink om jou kans op kanker te verminder?
.....[1]

[Totaal : 5]

Oefening 2: Vrae 6–8

Bestudeer die strokiesprent en beantwoord vrae 6–8.

Uilskuikens

(Uit : Beeld)

6 Wat doen die kat?

.....[1]

7 Noem twee van die drie probleme wat die kat ondervind.

.....
[2]

8 Verduidelik waarom die kat sê dat boomklim 'n spansport is.

.....
[1]

[Totaal : 4]

Oefening 3: Vrae 9–12

Lees die volgende artikel oor president Sam Nujoma deur en beantwoord vrae 9–12.

Stemmige Sam, die makou-man

DIE president stap die groot tuin om Staatshuis in Windhoek binne met 'n breë, wit glimlag op die gesig, 'n bakkie mielies in die hand en 'n string kinders en wagte agterna.

Dis net ná vyf en die presidensiële makoue gaan nou gevoer word. Deur die president self.

Teen die hoë tralieheining, hul rûe na die makoue gedraai, staar twee soldate verby hul masjiengewere se lope oor die stad uit, tot in die verte, waar ry op ry huisies se dakke in die laatmiddagson blink.

Op daardie einste vlakke, in 'n karige huisie, het die president ook al gewoon. Toe was hy nog 'n teemaker by die Spoorweë, later kantoorskoonmaker, nog later die kêrel wat 'n paal moes staan en vashou terwyl die landmeter vir hom beduie hoe hy dit moet skuif.

Sy handdruk is sag en hy hou nie 'n oomblik op met glimlag nie. En, anders as baie ander politici, is hy nie skaam vir sy verlede nie. Hy ken makoue, beeste en skape, sê hy, want hy het as kind

omtrent voltyds sy pa se vee opgepas.

Die president skiet die laaste bietjie mielies uit en stap terug Staatshuis toe, met die kinders weer agterna. Nee, nee, beduie hy, dis nie almal syne nie. Dis vier van sy ses aangenome kinders, die res is kleinkinders.

DIE president het nooit die geleentheid gehad om verder as st. 6 te leer nie.

“Skool was 'n bysaak toe ek 'n kind was,” vertel hy. “In die noorde waar ek grootgeword het, is 'n man se rykdom gemeet aan die aantal beeste wat jy besit. Dit was letterlik jou bank.”

“Soms het ek 'n maand of twee se skool verloor, want ek was die hele tyd in die veld by die beeste. Tog het ek altyd my vakke geslaag.”

Op sewentien is hy na sy tante op Walvisbaai, waar hy in 'n winkel begin werk het.

“Ek onthou goed toe ek my eerste geld verdien het, het ek vir my ma 'n Singer-naaimasjien gekoop en dit vir haar gestuur. Dit was nog van

daardie soort wat jy met die slingertjie draai.”

In 1948, ná sy tante se skielike dood, is hy Windhoek toe om vir die Spoorweë te gaan werk.

DIE president van Namibië is dalk die enigste staatshoof ter wêreld wat sy groente kweek.

Tuinmaak, sê hy, laat hom van al sy dokumente, lêers en boeke vergeet. Daarom het hy op sy kleinhoue buite Windhoek 'n groot groentetuin wat hy self bewerk.

Iemand kom die vertrek binne en sit 'n glas sodawater voor hom neer. Dis min of meer die sterkste drankie wat hy drink. Hy vertel hoe lief hy vir jag, visvang, sokker en oefening, veral swem is.

Hier teen vyf en soggens trek hy sy sweetpak aan.

“Ek stap omtrent vyftig keer op en af met die trap, sodat dit darem voel asof ek iets gedoen het. Dis vir my lekker om te gaan swem as ek warm geoefenis. Swem is die beste oefening wat daar

is.”

Dis net jammer, kla die president, dat Namibië se see so ysig koud is. Daarom vang hy maar eerder vis wanneer hy aan die Seekus van die Dood vakansie hou.

DIT is darem nie net pret en plesier in Namibië nie.

Die president druk sy vingerpunte teen mekaar en vertel hoe nodig dit is dat elke burger 'n bydrae tot die land se ekonomie moet maak. Daarom glo hy niks is belangriker as opvoeding en opleiding nie.

Verwerk uit: Huisgenoot, 15 Junie 1995

9 Wat was die eerste betrekking (werk) wat die president beklee het?

.....
.....[1]

10 Waaruit kan ons aflei dat president Nujoma baie lief is vir kinders?

.....
.....[1]

11 Waarom het president Sam Nujoma nie sy skoolloopbaan klaargemaak nie?

.....
.....[2]

12 Watter twee dinge onderskei die president van ander staatshoofde en politici?

.....
.....
.....
.....[2]

[Totaal : 6]

Afdeling 2

Oefening 1: Vrae 13–17

Lees die onderstaande toneelstuk en beantwoord vrae 13–17.

Spook op die Internet

(Japie Pienaar)

Toneel een : Speel af in die nuwe rekenaarsentrum van die skool. Die lede van die rekenaarklub het elk hul eie rekenaar waarby hulle pouses en na skool kan sit en werk. Hulle is veral lief daarvoor om met die Internet te speel en boodskappe op die sogenaamde E-pos vir mekaar te stuur.

KARA: Janine, ek’s verveeld. Kom ons stuur ‘n paar boodskappe met E-pos na van die ander rekenaars.

JANINE: Wat is E-pos? Ek weet niks van hierdie simpel masjiene nie, onthou.

KARA: Dis iets wat jy op die Internet kan doen. Jy tik ‘n kode in en dan stuur jy ‘n boodskap vir ‘n ander persoon op sy rekenaar. Dit staan vir elektroniese pos. ‘n Mens moet net oppas, partykeer kry jy die kode verkeerd, dan sien die hele netwerk jou boodskap.

JANINE: Nou vir wie wil jy ‘n boodskap stuur? Wie verdien ons kosbare gedagtes?

KARA: (*giggel*): Wel, daar is natuurlik Steven daar anderkant. Ek kry juis die gevoel dat hy ons dophou.

JANINE: Nou wat wil jy vir hom sê? Jy weet natuurlik wie baie graag van jou sal wil hoor...

KARA: (*begin tik en lees wat sy skryf net hard genoeg vir haar vriendin om te hoor*): “Haai ex/stef/007 jy lyk so droomverlore. Ek wens ek kon jou droom vir jou help vind. Ontmoet my vanaand na sewe-uur hier tussen die romantiese rekenaars. Van bla-bla-bla...”

JANINE: Word groot, Kara. Ek kan sweer Jonathan is wasbleek daar oorkant. Jy sê mos ‘n boodskap verskyn soms op ‘n netwerk rekenaars. Hy’t dit seker gelees!

KARA: Dit pla my min. Dan kry hy dalk die boodskap. Kyk! Hier’s ‘n boodskap terug. “Sewe-uur klink ligjare ver... van ex/stef/007.” Die rekenaar beteken tog iets, nê?

Toneel twee: In dieselfde lokaal, maar dit is nou aand en dis donker. Kara verskyn, voel met haar hand langs die muur tot sy die ligskakelaar kry. Sy kyk onseker rond, merk dan dat haar rekenaar aangeskakel is. Sy frons verbaas.

KARA: (*fronsend, mompel by haarself*): Dis vreemd, ek het my rekenaar vanmiddag afgeskakel.

(*Sy stap tot by haar rekenaar*)

KARA: Maar... hier is ‘n boodskap. Laat ek sien. “Soek daai droom, Sussie. Dis dalk jou laaste droom. Van die Interspook.” (*Nou effens senuweeagtig*) Baie snaaks. Steven, as dit jou idee van ‘n grap is, hou asseblief dadelik op.

(*Op daardie oomblik gaan die ligte skielik af. Net daarna klap die deur hard toe.*)

KARA: W...ww...wie’s daar? Skakel asseblief die lig aan! (*Nou heel paniekbevange*) Ek kan niks sien nie! (*Sien hoe die boodskap op haar skerm verander*) Wat wil jy hê? (*Lees weer van skerm af*) “As jy jou lewe liefhet, hou op om Steven te pla. Stap nou na die deur, gaan huis toe en los hom uit. Onthou: Die Interspook hou jou dop. Jou skerm sal nooit weer ‘n veilige plek wees nie.” (*Nou heel hysteries*) Wie’s jy? Ek weet jy sit en tik iewers hier in die donker. Jonathan, as dit jy is, laat my asseblief gaan.

(*Die volgende oomblik verskyn ‘n wit gedaante vaagweg in die donker. Kara gil en storm na die deur.*)

(*Geneem en verwerk uit: Konka – Ronél Gouws en Japie Pienaar*)

13 Wanneer mag leerlinge in die rekenaarsentrum gaan werk?

.....
.....[1]

14 Waarvoor staan E-pos?

.....[1]

15 Wat kan gebeur as jy die verkeerde E-pos kode intik?

.....[1]

16 Wat was Steven se E-pos kode?

.....[1]

17 Kies die korrekte antwoord en gee 'n rede waarom jy so dink.

Hierdie toneelstuk is 'n voorbeeld van

'n komedie / drama / riller.

.....
.....[2]

[Totaal : 6]

Oefening 2: Vraag 18

Lees die onderstaande advertensie-artikel deur en voer die opdragte noukeurig uit.

Versorg visse só

AKWARIUMS kan vars water of seewater en koue of verhitte (tropiese) water hê. Die goudvissie is die bekendste varswatervis wat in koue water leef. Tropiese visse is die naasgewildste vir vistenks. Hoewel seewater-akwariums mooier lyk en 'n groot verskeidenheid visse kan huisves, is hulle moeiliker om te onderhou.

Akwariums wissel van die gewone ronde, oop bak tot dié wat honderde liters water kan hou. Dierekenner raai mense aan om behoorlik ontwerpte vistenks by troeteldierwinkels te koop.

Moenie die akwarium naby trekke, regstreekse sonlig of verwarmers plaas nie. Dit moet naby 'n kragbron wees en stewig op 'n gelyk oppervlak staan omdat water baie swaar is.

Lewende plante binne die akwarium kan dit interessant laat lyk, en sommige visse lê hul eiers op die plante. Dit bied ook skuiling vir skaam visse.

Plante kan die groei van alge beheer, suurstof voorsien en die giftige koolsuurgas opneem. Talle ander aantreklike dekor is by troeteldierwinkels te koop en kan in die akwarium geplaas word.

Visse moenie te veel kos gegee word nie. Hulle kan een tot twee keer per dag gevoer word, maar dan net soveel as wat hulle binne sowat drie minute kan eet. As hulle te veel eet, skei hulle te veel verteerde kos uit wat saam met die kos wat nie geëet is nie, die tenk besoedel en alge laat groei.

Vir mense wat met vakansie wil gaan, is spesiale viskos beskikbaar wat oor 'n periode van twee tot sewe dae die visse voed deur langsaam in die water op te los.

Visse in 'n vrolike akwarium kan kinders net soveel plesier gee soos ander diertjies.

PROF. JOHANNES ODENDAAL van die Universiteit van Pretoria vertel in dié aflewering van ons troeteldierreeks hoe om visse in 'n akwarium te versorg.

Die toestand van die water is die hooforsaak van vissterftes. Daar is gelukkig toerusting beskikbaar om die water se gehalte te toets en te monitor. Temperatuurkonstantheid, ligvoorsiening, filtrasie, sirkulasie-strominge, lug- en gasbalans, hardheid, alkaliteit, minerale en troebelheid is belangrik vir die gehalte van die water in die akwarium. Akwariums moet weekliks nagegaan word. Elke twee tot vier weke moet 25 persent van die tenk se watervolume vervang word.

Visse is baie gevoelig vir skielike veranderings in hul akwarium. Te veel suurstof lei tot gasborrelsiekte. Maar te min suurstof laat die visse op die oppervlak van die water gaap, of hulle drom om die opening van die lugpypie saam.

Visse wat geïrriteerd is, soos wanneer parasiete hulle pla, kan onderstebo swem, skuur of hul vinne klap. Een van die bekendste parasiete is dié wat witvleksierte veroorsaak.

Die aanhou van visse is skepend en 'n stokperdjie wat kan ontwikkel. 'n Kind kan klein begin en saam met die akwarium groei. Boonop het die blote dophou van die visse 'n kalmerende uitwerking op die kind.

Verwerk: Sarie, 2 Maart 1994

(a) Maak 'n opsomming van ongeveer 40 woorde oor die hantering en versorging van 'n akwarium.

.....
.....
.....
.....
.....
.....
.....
.....
.....
.....[4]

(b) Skryf in ongeveer 20 woorde watter voordele die aanhou van 'n akwarium vir kinders inhou.

.....
.....
.....
.....[4]

[Totaal : 8]

Oefening 3: Vraag 19

Jy is dokter Johannes George Thompson. Jy wil 'n rekening open by 'n klerewinkel. Jy en jou twee kinders, 22 en 17 jaar onderskeidelik, huur na jou vrou se dood ses maande gelede, woonstelnommer 16 in die Elrida Woonstelle, Bachstraat, Windhoek. Jy het geen ander rekenings nie. Jy bank by Standard Bank en jou tjekrekeningnommer is 0099678411. Jy kan gekontak word op jou selfoon, nommer 0811246261.

Voltooi nou die vorm op die bladsy langsaan in blokletters:

LET WEL: Gebruik die afkorting n.v.t. (nie van toepassing) waar vrae nie op jou van toepassing is nie.

Aansoek om Krediet*Persoonlike Gegewens*

Titel:

Van:

Voorname:

Huwelikstaat:

Ongetroud Getroud Geskei Wewenaar Weduwee

Aantal minderjarige kinders:

Adres

Woonadres:

Telefoonnommers: Huis:

Werk:

Selfoon:

Is u: 'n Huiseienaar 'n Huurder

Hoe lank woon u daar?:

*Finansiële Gegewens*Het u enige ander rekenings? Ja Nee

Indien wel, waar?

Rekeningnommer:

Naam van bank:

Bankrekeningnommer:

Hiermee verklaar ek dat alle inligting waar en korrek is. Ek onderneem om my rekening te betaal soos en wanneer vasgestel is.

Handtekening:

Datum:

[Totaal : 6]

Afdeling 3

Oefening 1: Vraag 20

Jy was onlangs met vakansie na 'n interessante plek. Skryf 'n brief van 100 woorde aan 'n vriend of 'n vriendin en vertel aan hom of haar wat jy alles gedoen en gesien het. Jy mag van die onderstaande prente gebruik maak vir idees.

Beste

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

.....

[Totaal : 9]



